

摘藻堂四庫全書薈要

集部

欽定四庫全書薈要

集部

御選明詩卷七十八

詳校官原任主事臣李斯咏

欽定四庫全書薈要卷一萬八千五百七十七

集部

御選明詩卷七十七

七言律詩十

邵寶

雪中賞紅梅奉次涯翁先生時邃翁攜酒共飲

懷麓堂

淺絳英英忽滿枝春風到此復何之正憐與雪相逢地
却訝如人欲醉時南國已通千里信西湖空負一生詩



白頭二老青燈夜笑對江東綠酒卮

袁州謁韓文公祠

一上春臺草陸離忽瞻遺像起遐思江山恨少滕王賦
風水愁多二女祠石廩不知雲去地雷塘猶想雨來時
憑君莫引飛鴻望萬里騎龍任所之

夜坐懷劉用熙

蘆泉本是神仙骨誤落人間識者稀聽竹每聯風雨榻
涉江曾製芟荷衣臺荒薊北千金築帆遠吳西一鶴飛

寒日蕭蕭那可度憑君預拂釣魚磯

送朱工部請告歸上虞

記得逢君在樂平新涼庭院碧梧清周官六典曾司寇
禹貢三江又水衡澤國煙波吟裏興雲林風日病餘情
西興渡口猶回首聞道秋潮昨夜生

遊慈恩寺

春殘纔作探春行古寺尋僧懶問名近海景多頻立馬
對花情劇更聞鶯鏡湖敢乞君分賜寶地偏教佛主盟

却憶江南如畫裏萬峰青接水邊城

憶母

手線縫衣欲問寒慈顏時向夢中看
世間盡道為官好天下無如別母難
讀罷家音添鬢白書成國事剩心丹
青燈自照磚河夜回首江南路渺漫

乞終養未許

乞歸未許奈親何帝里風光夢裏過
三月春寒青草短五湖天遠白雲多
客囊衣在縫猶密驛騎書來字欲磨

聖主恩深臣分淺百年心事兩蹉跎

靜中寫懷用前韻

策杖山邊復水邊病餘翻喜得長年風光共逐初晴後
春色還憐未雨前何處乾坤堪一嘯平生泉石本多緣
閒來獨上西樓望古華峰高正倚天

送馬參議公御之陝西

外省元兼內六曹使君西去更賢勞迎舟風助黃流急
隨馬雲分華嶽高遠道誰教歌憩茲豐年獨遣問啼號

一尊未盡臨歧思寒日荒荒滿節旄

樹色

乍濃還淡弄朝暉樹色依稀定是非樓上望回川歷歷
城陰遮斷路微微晴雲有影團傾蓋春水無波綠染衣
獨坐懷人心正遠天空渭北雁初歸

喬宇

舟中次楊郎中君謙韻

聞說江南唱子規北人初聽不勝思祇看世路長為別

不道仙舟尚有期
漁浦杳聞煙外笛
酒家遙認月中旗
郎官白雪難為誦
欲和空慚下里詞

幕府山

說著看山興欲飛
湖西雙逕踏霏微
寧辭九日登高會
況是諸軍奏凱歸
林外鐘聲開宿靄
江頭帆影送斜暉
亦知歡會何終極
霜露休教上客衣

秋風亭下汎舟

荒庭寥落野煙空
漢武雄才想像中
簫鼓應聲開畫鷁

帆檣飛影動晴虹山分秦晉羣峰斷水入河汾兩派通
少壯幾時還老大不須回首歎秋風

籍田禮成恭紀

東郊法駕勸春畊右列三公左九卿王業有基開地力
聖躬無逸鑒天行功先耒耜三推數樂備鈞韶九奏聲
盛禮既成還賜宴共將豐稔頌昇平

元日復命

宮袍香引御爐煙奏對真于百辟先瑞雪早占嘉靖日

寶符重紀甲申年視牲禮重青陽後復命心懸紫極前
稽首龍顏華蓋近不知雙履到中天

分獻鍾山

隔江丹嶂鑿鴻濛虎踞龍盤指顧中地比岐豐開帝業
歲多雲雨濟神功中天積翠瞻依近南紀分壇配享同
三獻禮成還佇立夜深靈樹響高風

分獻星辰一壇

燔煙上起夜無風峙立星壇對倚空萬象芒寒天在北

九霄雲斂月當中
香隨龍袞瞻依近
聲奏簫韶陟降通
郊獻禮成春二日
泰階平處仰神功

王雲鳳

送孟仲平陝西屯田僉事

璽書初下建章宮
諸將邊隅已望風
秦甲連營金窟北
漢屯分畝玉關東
山薶凍雪侵雲白
水落寒巖繞澗紅
聞道西羌今款塞
莫留魏尚久雲中

儲巵

宿呂梁有感

赤石黃緣宿呂梁
黃茅轉盼失前岡
百年身世如秦贅
一髮功名媿楚狂
投老計應吾土好
懷人情與暮雲長
夢回多少關心處
清鏡朝來有鬢霜

歲晚病懷

園居瀟灑復何求
天際浮雲任去留
病枕夜長妨穩睡
吟筇冬煖散閒愁
支離未就歸田稿
汗漫虛疑駕海舟
五十五年成底事
春風依舊屋東頭

立春日

未試春盤且洗觴，吹葭五夜待春光。
催花謾剪隋宮綵，賜酒曾沾漢署香。
白髮銀幡聊作戲，青衫竹馬自成行。
凌晨便有名園興，獨喜喬松不受霜。

上元夕飲客二首用前韻

愛客曾留臘底觴，晚筵絲竹瀉寒光。
淡籠明月饒春麗，小浥輕塵覺雨香。
何處風來花作陣，誰家燈好妓成行。
開年共說逢佳境，碧盃嘗新有蔗霜。

佳辰留客競浮觴一飲先判盡曙光雲葉弄晴翻桂魄
燈花烘夜吐蘭香盆瓊錯落筵前令箏雁參差曲裏行
莫訝東君扶病坐故人投分比明霜

次克溫南宮賞魏花

南宮花發滿朱欄對酒先判十日看彩筆舊傳才子夢
青綾誰道主人寒明妝向晚圍紅燭妙舞迴春試翠盤
空巢花枝無好句東風應笑客衰殘

送馬侍郎歸故城

西掖東曹疏幾封
秣陵回首寄行踪
懷歸當擬瓜期及
算老誰能蔗境逢
去國衣冠非寂寞
過江舟楫且從容
攀援欲詣三山別
閒看浮雲結晚峰

荅夏郡博

夢裏仙居接兩涯
海門山好向誰賒
丹霞掩映千年樹
碧澗縈迴十里花
雲外聽人吹楚竹
洞中留客飯胡麻
醒來忽捧堯天詔
憶在台南第幾家

又分韻得多字送杭東卿

飛樓突兀挂明河西北雲山入檻多絕頂危巢歆鸛雀
夾城流水帶蒲荷清商掠樹驚秋到明月看人奈別何
坐撫佳辰懷遠道送君須待醉時歌

再答寫懷

臙酒初封半坼泥惜春連日醉芳溪鶯林嘒斷停杯待
花陣香來滿袖攜榻徧彩箋多詠蜀調成錦瑟肯干齊
南游暫借江山助未必青冥羽翼低

衝雨發雄縣晚至涿州

淋浪一雨趁歸程客思翛然半夜生塵漲洗開秋氣淨
簿書拋却病身輕却看車馬增行色轉覺雲山賴晚晴
好景供詩隨處有松廳明月范陽城

九日同諸公登幕府山次樊川韻

秋晚驚看木葉飛寒山一徑到來微天晴曠野千峰出
水落長江萬里歸渺渺平蕪懷故國垂垂短髮對斜暉
平生賸有登高興千仞岡頭再振衣

楊循吉

初春山居還城却寄支硎僧院

好山不著詩人句，孤負浮嵐翠滿空。
梅子脫花春事半，雨聲追冷昨宵中。
來尋茗椀梯幽閣，却上籃輿別遠公。
白髮漸添身老大，何緣佳興逐東風。

湖上

湖上魚吹細沫行，湖邊花草足風情。
田分日影陰晴別，水合天光上下清。
頗怪病身逢酒健，久留眵眼待山明。
農家識是游人過，競擁籬頭送櫓鳴。

費宏

南史侍羅圭峰考滿赴京至良鄉以折臂乞歸
中批遽從之作此奉寄

咫尺論心恨未能
薊門南望睇空凝
憂時定復添華髮
醫國真應屬折肱
歸喜冬簷支睡枕
行當霜路蹴層冰
欲知諸老拳拳意
不減韓翁惜孔丞

謝姜寬送芋子

芋魁相送滿筠籠
應念冰盤苜蓿空
此日蹲鴟真損惠

當年黃獨漫哀窮
蒸時不厭葫蘆爛
煨處還思楫柁紅
自是菜根滋味好
萬錢誰復羨王公

石瑤

早朝追和匏老韻

蓬萊宮闕玉為橋
曳履年年侍早朝
鑪靄著衣如過雨
御溝搖月欲生潮
未排閭闔心猶壯
纔望金莖渴已消
奏罷從容過東觀
五雲隱隱聽吹簫

宮柳

內裏垂楊自不同萬條柔翠拂瓊宮
葉含華萼樓前雨枝帶朝元閣上風
望入畫眉情正切嚙來黃鳥語初工
一般灞水橋頭綠日日行人惆悵中

秋興

野寺旋題帶夕暉鐘聲遙度翠林微
蕪荑渡口逢人語恒嶽峰前見雁飛
月露風花情太劇江湖廊廟願多違
不知蓴菜鱸魚膾何事能令沈約肥

送鄧丞兄歸揚州

蕪蒹漢水駐仙槎
羨爾吹簫早放衙
池上夢回春草綠
塞門秋盡雁行斜
心懸邊徼聞歸馬
望入淮山喜近家
好向高堂說難弟
哦松終日更看花

王鴻儒

沁州道中

十年江左宦情闌
此日并門復強顏
細柳依依標北道
生煙漠漠護前山
數聲清管鳴蛙沸
一點黃塵探騎還
回首中原渺千里
白雲飛處是鄉關

送范齋李先生致仕還吳

春色俄看到枳花江東行客理歸艤世途水馬波難泝
吾道人龍跡已遐安世平生多氣節少陵老去憶桑麻
袖中未有留戡䟽羞向燈前看莫邪

吳儼

聽鄭伶琵琶

鄭伶名價重江東五百梨園伎盡空子夜猿啼殘月白
上林鶯老落花紅江頭商婦愁無限塞外明妃恨不同

可惜曹綱今去遠何由兩市鬪西風

羅玘

遊方山路間定韻與石樓志別

相逢盡道乞還山公乞還山便得還
浮世風煙棋罷局
百年光景手循環穿雲躡磴疑天上
到寺對僧如夢間
明日河橋杯酒後月明千里隔陽關

楊子器

早朝詩

平旦瞳矐瑞靄浮曙星送月下西樓畫衣遙入迎仙蹕
黃繖高擎覆采旒鸞帚拂塵花雨霽霓旌曳影柳風柔
太平無事春如海天保歌長樂未休

曉天宮闕挂星河魚鑰傳迴鳳輦過雲擁蓬萊通御氣
雨晴太液起恩波鼓嚴正促千官入鞭靜猶聞禁卒訶
衙退殿頭幢節下花陰滿地逐鳴珂

滿地霜華襯短靴禁城陰處曉頻過金籠內使教鸚鵡
玉勒蕃奴制駱駝八面樓西明月在萬年枝上慶雲多

重聞奏事言何事郎省無緣上諫坡

天街雲騎擁青駟明月參差印帽紗簇仗旌旗相掩映
報班鐘鼓未停撾晨光隱約通三殿和氣綢繆滿萬家
朝下迴無人語雜早鶯啼出內園花

鄒智

金井山居次韻

鐵杖何年入此山今人菴是古人菴春風小圃修花史
落日疎林縱酒談放鶴亭高塵網斷聽鶯橋近野情酣

莫辭老背尋常炙寒露侵淩恐未堪

李承箕

用茂卿兄韻呈定山先生

紛紛岐路竟何之我且東行住少時
春好一年留酒國花殘兩度見辛
夸夢隨莊叟迷蝴蝶醉過山翁倒
接羅何日杖藜期度嶺江門無地
不宜詩

陳源清

荅文徵明秀才

每從白馬望吳門
天塹長江隔夢魂
縞帶交情惟汝在
練裙書法好誰論
文研鶴去雲千片
茂苑花飛水一村
何日黃金祠賈島
玉蘭花下酹清尊

趙輔

奉和觀車駕祀南郊

御堤新築淨無埃
大駕親承祀事來
風定鑪煙浮袞冕
日高仙仗護蓬萊
鸞旂紛擁雲衢合
雉扇遙迎翠輦開
更有羽林嚴宿衛
桓桓多是出羣才

沈周

宜晚軒為王公賦

湖山佳處小軒成，薄暮偏宜物外情。
明月未來風滿樹，夕陽猶在鳥無聲。
黃花共客詩中老，白髮催年定裏生。
塵海行人不知此，勞勞心跡候誰明。

和張保定留題北寺詩韻

鐘磬泠泠隔水聞，當門高塔倚斜曛。
綠蘿深徑棲殘雨，黃葉空臺積暮雲。
已拂筆塵留草聖，更因香炷事桐君。

碧山學士清游後應悔銀魚不蚤焚

文溫州寄鳳尾蕉

鄭重移根過嶺來向陽墀土擇宜栽葉攢碧柄參差長
幅破青綏細瑣裁心雨拔簪鰲戍削尾風搖扇鳳瑤總
森然獨冒寒窓雪不似芭蕉一夜摧

谿亭小景

幽亭臨水稱冥棲蓼渚沙坪只尺迷山雨乍來茆溜細
谿雲欲墮竹梢低檐頭故壘雌雄燕籬脚秋蟲子母雞

此段風光小韋杜可能無我一青藜

聞清癡馬秋官課農山莊

秋官臺笠事東菑雖愛清幽也似癡分肉戲專鄰叟社
訟田閒剖野人詞竹枝雨暗蠨蛸戶豆葉風涼絡緯籬
知遣牀頭三百甕醉中都賦勸農詩

觀西湖百詠集感舊有作

白髮攤書似夢驚其丘其水認題名袖中東海言非大
紙上西湖眼更明少覺舊游渾記得老關佳處尚思行

青鞋布襪猶鮮健
祇待花時計便成

立夏日山中遍游後夜宿劉邦彥竹東別墅

乍認東莊路不真有橋
通市却無鄰山窮借看堂中畫
花盡來尋竹主人爛漫箋麻發
新興留連櫻筍送殘春
與君再見當經歲分付清觴
緩緩巡

約史明古不至

仙舟望不到玄都近
信虛傳過太湖如此江山空舊約
可勝風雨有長途
燈前白髮暮聲在地上
碧桃花事無

春已闌珊人尚遠幽禽何苦喚提壺

別金陵

花事怱怱瞥眼過故園不去欲如何
五侯賓客鯖全少
百姓人家燕已多
蔣廟亂山雲罨樹
秦淮落日水增波
有詩對酒雖堪賴
終欠玲瓏為我歌

分得藥臼謝醫

山人治藥砍雲根
枵腹中容海月吞
搗過砂牀剩朱糝
煉餘石髓膩青痕
無銘錯認周王鼓
有竅真移玉女盆

抱疾人來識清杵數聲遙在杏花村

贈西山老僧

老抱清齋太瘦生雪眉霜鬢使人驚
遊僧久住同衣食畜鶴長隨識性情
土銼逼牀身煖活紙窗烘日眼晶明
此心應與山俱靜不是深山養不成

秋雨偶書

雲暗湖邨水漫沙秋堂蕭颯類僧家
聰明比舊堂堂減老嬾隨年數數加
風扇未愁蕉破葉雨房偏恐稻傷花

坐深兀兀多資睡強欲開書候日華

拂水巖

只有看山是勝緣青鞋布襪且輕便天收雨脚賒今日
我趁花時遣老年絕壁雲扶將墮石豁崖風勒下奔泉
此來不憤空歸去旋構新篇揀竹鐫

楊花二首

撲面吹衣雪點晴紛紛地亞夫營借風為力終無賴
與水何緣却託生看雀啅金新蕊破愛風撩玉小團輕

踏歌女子空連臂，喚不歸來信薄情。

恃何顏色漫狂顛，雖取花名未取憐。
寒士衣裳思挾纊，相公簾幕欲漫天。
吹噓不起春泥上，撩亂無端老鬢邊。
一種當門小兒子，傍風因日弄輕圓。

半清軒

一軒偏側兩弓餘，心遠何妨市上居。
盆裏栽梅寄瀟灑，壁間寫竹看扶疎。
閒翻酒券供臨帖，靜借牙籌記讀書。
日有茶煙與香篆，行人簾外欲停車。

水村圖

魚莊蟹舍一叢叢湖上成村似畫中
互渚斷沙橋自貫輕鷗遠水地俱空
船迷楊柳人依綠燈隔蒹葭火映紅
全與吾家風致合草堂曾有此愚翁

詠簾

誰放春雲下曲瓊一重薄隔萬重情
珠光蕩日花如夢瑣影通風笑有聲
外面令人倍惆悵裏邊容眼自分明
知無緣分難輕入敢與楊花燕子爭

落花詩三十首 錄五首

供送春愁上客眉亂紛紛地
竚多時儼招綠妾難成些
戲比紅兒煞要詩臨水東風
撩短鬢惹空晴日共游絲
還隨蛺蝶追尋去牆角公然有半枝

五百光陰瞬息中夜來無樹不驚風
踏歌女子思楊白
進酒才人賦雨紅金水送香波共渺玉階看影月俱空
當時深院還重鎖今出牆頭西復東

筇枝侵曉啄芳痕借爾階庭亦暫存
路不分明愁喚夢

酒無聊賴怕臨軒隨風肯去從新嫁棄樹難留絕故恩
惆悵斷香餘粉在何人剪紙一招魂

馬追紅雨倦游回春事闌珊意已灰生怕漸多煩埽地
酷憐將盡數銜杯莽無留戀牆頭過私有徘徊扇底來
老去墨牽宜絕物白頭自笑此心孩

為爾徘徊何處邊赤闌干外碧檐前亂飛萬點紅無度
聞過一鶯黃可憐觀裏又來劉禹錫江南重見李龜年
送春把酒追無及留取銀燈補後緣

送晏青雲還蜀

詩草琴張共一囊輕舟八月過瞿塘功名如夢青雲遠
桑梓關心白髮長喜脫豸冠尋隱計閒書牙笏記丹方
登高王粲應憔悴始信江山非故鄉

與陳廷璧周宗道晚歸有竹莊漫興

酒闌撾鼓棹郎催拉柁迎潮細浪開竹嶼東頭諸客散
柳塘南下一舟回微陽遠浦紅猶在斷雨迴風白又來
童子伺門燈火候漫因清暑再傳杯

金 卷之二十一
梨花

瑩白姿容謝粉鉛不教酒洗自嬋娟
日華暖抱溶溶雪月影涼生淡淡煙
深鎖春愁歸院後靜思先夢凭闌邊
那堪埽地東風惡抹殺清明又一年

史鑑

松林夜泊

城陰分手即天涯嶺樹江雲別路賒
未到故園猶是客忽聞鄉語似還家
燈前今夜愁無寐鏡裏明朝鬢有華

欲問歸舟何處宿月明和雁在蘆花

登吳興慈感寺閣

亭亭高閣倚斜暉廿載曾從此地歸往事已隨春草換
重來似覺故人稀孤城近水青山映遠樹和雲去鳥微
欲繫扁舟嗟未得蘼蕪新綠釣魚磯

曹顥若載酒過訪以詩贈別

一樽相對思依依老大空悲始願違華髮鏡中看漸短
故人天際信來稀黃梅雨少河流淺綠樹陰多日景微

欲抱漁竿江上去却愁風浪濕荷衣

金琮

送別史癡翁分得塵字

酌酒題詩送故人卧癡樓上宴殘春誰能老去身無事
我愧年來鬢有銀楊柳風輕渾是夢杏花雨細欲成塵
行裝賸貯金壺墨處處湖山為寫真

黃雲

雨中書事

病裏仍愁四十過學書學劍兩蹉跎白翻野飯炊粳稻
綠染秋衣製芰荷遠道西風吹客鬢空江暮雨濕漁蓑
村醪急辦青錢買兒女燈前且笑歌

吳江王氏月湖

水雲千頃浩無邊蕭爽微颼埽翳煙海底魚龍還出沒
夜深河漢亦澄鮮倒披宮錦淋漓醉快展湘雲放浪眠
逸興遄飛鷗夢遠流光孤潔照沉淵

次吳工部夜集韻兼述鄙意

脫幘掀髯折隨簪語長真似吐絲蠶乞身且待三宜去
養壽應無七不堪屈產昔曾空冀北人生只合住江南
賡詩賴有梅花主吟處宜題退隱菴

夏日書事寄吳水部德徵

夏木垂陰覆小堂圖書生潤日消長遺音過耳栗留語
餘馥清心蒼筤香嬾僕畬田耕鹵莽頑兒越戶步踉蹌
行吟坐睡多閒適自至南風足午涼

施彥清野翁莊次沈啟南先生韻

笑王給事鎖西莊隔水通人故架梁載酒柴門無吠犬
分花鄰舍恰低牆書臨晉帖時數過詩詠豳風日幾章
好鱸鱸魚飯香稻縱饒飛雪興難妨

莫止

正月十九日漫述

節名燕九尚留燈故事元從闕下增時態盡隨前夜月
餘光猶照幾家棚臘醅熟久樽初剖園韭香新饌可登
細雨落梅清詠徹高情應念昔人曾

羅燾

追和石田翁落花詩二首

錄一首

花隨流水去悠悠幾日傷春欲白頭
絮繫游絲腸百結
瓣浮細雨淚雙流
秋千院落人孤立
杜宇枝頭月一鉤
過眼韶光無計挽
年年空抱別離愁

葉聰

秋懷

北斗城高近海濤
每懷風景動微吟
青山有恨傷甌越

流水無情自古今幾處吹笳空夜月誰家擣練急寒砧
天涯此日重回首忽見江花思不禁

舟次瓜洲

瓜步南頭水拍天高樓獨望思悠然半江僧下山腰寺
兩岸人分渡口船萬斛千艘非舊日一龍五馬是何年
邇來欲趁風濤便十幅蒲帆向浙川

方太古

寒食思友小酌

已買桐江舊釣船
清江白石起鷗眠
風前轉眼逢寒食
時事驚心豈少年
故國梨花千樹雪
小堂楊柳一林煙
夜來有夢高陽侶
覓得村沽飲十千

寒食

春光二月忽三月
天氣單衣又夾衣
樹樹梨花相鬪發
家家燕子欲偷飛
客懷不慣逢寒食
世路還堪住翠微
溪上柳條新弄碧
軟風晴日待儂歸

穀雨

春事闌珊酒病瘳山家穀雨早茶收花前細細風雙螭
林外時時雨一鳩碧海丹丘無鶴駕綠蓑青笠有漁舟
塵埃漫笑浮生夢峴首于今試薄遊

書寒溪書屋壁

屋占桑麻半畝園歲無車馬與人喧午涼樹影圓浮地
夜靜灘聲直到門萬卷詩書銷日月一灣鷗鷺共朝昏
興來蓑笠扁舟去不亞浣花溪上村

周立

將過江陰訪朱善繼途中風雨乃回

尋君無那朔風顛興盡空回訪戴船
洶湧浪喧歌岸石
冥濛雨濕遠林煙江楓葉落紅銷樹
野水冰生白滿田
歲晚幽期嗟竟阻相過重擬入新年

董灃

天笠次白樂天

松林行盡見松門花事三分過二分
高樹鳥呼低樹鳥
入山雲笑出山雲峰前瀑布僧前落
竹裏流鶯寺裏聞

忙處不知閒處好紅塵白浪正紛紛

薛章憲

風雨中憶含桃

含桃摘後已無多更耐風狂雨橫何縱有紺跗垂弱蒂
分無丹顆綴柔柯朱蜃失絳羞樊素頰頰啼紅泣苧蘿
想見流鶯正無賴應同老子共悲歌

朱訥

燕

三月巢乾雛未成茅堂來往日營營說殘午夢千聲巧
剪破春愁兩尾輕宮柳陰濃金鎖合水芹香細綠波晴
畫闌十二無人倚一半梨花一半鶯

朱朴

吳江道中

江上芙蓉晚著花故人書畫泛輕槎廿年往事今重省
雙鬢逢秋各有華水落湖田漁網集天低澤國雁行斜
垂虹橋下堪停棹碧樹紅簾賣酒家

楚江秋曉

卧聞津吏數江程
白鳥青莎岸岸明
秋色遠連湓浦樹
人家多繞漢陽城
殘燈野寺鐘初動
瘦馬河橋客早行
三國廢興何處問
荻花風起又潮生

孫寬

和西涯相公春興詩二首

山館悠悠倚峻陂
別來應是兩年過
鹿麋昔日遊偏好
風雨他鄉夢更多
松下小軒閒雨菊
月中荒徑掩雲蘿

歸來若待頭顱白其奈巖花笑客何

竹垣向裏闢新池徑曲門迂去每遲鳥弄落花人未到
魚吹新荇月先知天邊客夢何時醒江上歸舟此日移
喚起巢由作賓主不知身在帝堯時

沈宣

次沈陶菴題石田有竹莊韻

休文家在陽湖住湖有簣簾似渭川險韻刊詩留節下
涼陰牽夢隨鷗邊無人厭俗狂題鳳有客敲門共飲泉

負我十年開徑入相思空隔滿林煙

王建極

和石田翁落花詩

風淨雲和雨意新
殘紅點點委芳塵
眼穿此日凭闌客
腸斷當年勸酒人
紙上祇能添麗句
枝頭無計駐殘春
落英狼籍那堪觸
密掣金鈴鳥莫嗔

煙雨欺花肯放晴
落紅日日喚愁生
已拚引被蒙頭卧
更起巡簷信步行
蝴蝶夢寒雙睡燕
杜鵑枝老獨啼鶯

綠陰冉冉天涯徧十二樓頭空月明

看花興懶厭追陪門掩春光強半迴紅著樹時風已妬
綠成陰處雨猶催盈盈堆徑阿誰惜款款敲窓若個來
攪得情懷無可奈呼童且覆掌中杯

萬樹飛花繞碧空韶光應與昔年同朱簾半捲胭脂雨
繡幕輕搖蘭麝風燕拂林霞分嫩綠蜨翻草露濕嬌紅
玉人推枕春眠起玉減金鬆一顧中

楊穀

落花次石田翁韻

月缺良宵尚半規
花殘無復昨看時
飄飄入座沾衣濕
細細迴簷點額遲
衝曉馬蹄先踏破
趁晴蛛網漫縈垂
雕紅刻紫都成夢
一段春情欲訴誰

陳節

落花次石田翁韻

羣芳無力愛春眠
倦倚闌干似醉然
漢女琵琶應飲恨
楚宮粉黛不勝薦
燕銜零玉遺書几
蜂帶餘香過酒船

欲為癡兒時洗面杖藜閒到短籬邊

勒貴

碧渠為李宗朝賦

白雲深處有山莊分得清渠入小塘水面雨翻菱葉亂
門前風過稻花香竹牀不作勞生夢石硯惟鈔種樹方
樵子是兄漁是弟卜鄰何計得連牆

祝允明

顧明府榮夫

雞山燕市每依依此日都拋入洛衣家近鬱林公舊隱
門如彭澤令初歸空憐舊社惟君密却笑無車訪我稀
最愛滄浪池水好幾時同坐一方磯

贈承公

牆外西林是寶坊林間高卧有支郎定回斜日雲穿衲
吟斷寒更月滿牀妙梵遠通潮隱隱清陰分與栢蒼蒼
何時為取無生話共了趺蒲一夜長

何孟春

送菊涯翁

山徑曾陪九日遊，數枝還為一尊留。
買從遠市聊供節，裁向明園合擅秋。
漸老有人憐客瘦，乍寒無客替蜂愁。
多情不用防吹帽，短髮猶禁插滿頭。

顧清

首夏即事

金獸香殘晝漏稀，嫩槐庭院午風微。
蜜房分子蜂初靜，書閣垂簾燕自飛。
小碾試茶催滌鼎，輕刀裁葛已成衣。

故園遙憶三江外
梅豆青青筍過扉

白燕

海國年年傍社歸
春來爭訝羽毛非
不經乳穴移仙骨
似剪齊紈作舞衣
已化玉釵空悵望
未消紅縷故依稀
月明昨夜風簾動
驚起還隨白練飛

涯翁七十壽詩

午橋長夏日如年
吏散瀛洲聚錦筵
黃閣衣冠諸老外
清時鐘鼓百花前
閒情好鳥鳴深樹
往事浮雲淡遠天

惟有老人南海上祥光夜夜繞台纏

以燈圓餉陸太僕

三五新正憶故園
屑雲糜玉鬧春盤
小奴解作江南意
遠客都忘歲暮寒
梅欲鬪圓忙著子
雪如爭巧故成團
玉屋太僕真清吏
莫認明珠按劍看

崔世興宅奉次涯翁韻

酒敵棋朋四座分
不知何處是東君
屏間拂石疑生雨

畫裏看花半作雲

王若水畫梨花杏花甚妙

白雪辭章隨筆散

涯翁席上

作草
書
紅塵車馬隔牆紛平生六一堂前士到處春風挹

令芬

四月十三日同時敏送仲玉景和歸途有感作

漠漠輕雲淡淡風御溝溶漾落花紅一番離別中年後
千里河山夕照中垂角故人霜兩鬢

時敏景和皆童稚交今皆老矣關

心歧路草連空歸來稚子迎門笑何日親交送阿翁

時求

得歸未

春日將適郊外忽暴風阻行

二月六日天氣惡
卷地黑風吹倒人
却看花柳俱無色
忽訝江山不似春
高卧野人滋嬾散
欲飛燕子自逡巡
東園有約不如意
須待來朝理釣綸

渡江

揚子江頭幾問津
風波如舊客愁新
西飛白日忙於我
南去青山冷笑人
孤枕不勝鄉國夢
敝裘猶帶帝城塵
交遊落落俱星散
吟對沙鷗一愴神

鄭岳

簡姑蘓陳粹之憲副

吳苑鶯花滿舊墟先生翻笑出無車
一官棄去還憂國十口飢來只賣書
短屐香生莎徑暖疎欄雲傍草堂虛
恩恩登拜慚予晚更報詩筒候起居

吳一鵬

開河阻船慰同行諸君

水宿風餐君莫愁他鄉聊復當春遊
花間啄食鳥紅尾沙上浣衣僧白頭
三戶人煙看漠漠百年身世任悠悠

關河過此知無礙
萬里長風吹客舟

節後見菊

重陽已過十餘日
纔見疎籬菊有花
厭逐紛華供俗眼
獨留冷淡伴詩家
清霜數朶水邊淨
落日一枝風外斜
為汝秋深慰蕭索
酒酣聊取插烏紗

杭濟

東溪小隱

清溪東畔隱君家
幽事人將擬浣花
垂柳蔭牆緣岸仄

短莎分徑入門斜
春風到處隨吟杖
秋水閒來放釣槎
了却百年終隱計
更無飛夢到東華

王良佐

招張一桂

日日草堂江上開
竹間亦有小亭臺
酒杯欲棄那忍棄
吾子不來誰復來
案上離騷讀初罷
坡頭獨鶴放仍回
湖山每索驚人句
須得張郎八斗才

許讚

臘梅

野籬江滸淡溶溶移對窓軒意更濃
仙子臨風金鈿冷
東皇傳令蠟書重天涯別恨雲千里
花下吟魂月一筇
更向玉堂多勸植元來鼎味自從容

靈隱寺

靈隱何緣副夙盟蒲團茗碗拄藤輕
昂藏野鶴來僧榻
撲簌巖花落鳥聲桂子天香真絕唱
柳塘花塢自關情
幾回不盡登臨意便欲山前結數楹

劉玉

寄咸肅兄

江頭日日候歸船
南北東西路幾千
旅館夢回常徹夜
故園書去動經年
愁連郢樹雲初合
思入湘潭月又圓
莫道少年堪久別
高堂華鬢亦蕭然

湯沐

秋日寫懷

黃菊秋來已滿籬
青山於我久相期
孤燈對酒不成醉

遠道逢秋更覺悲，祇恐病侵垂老日。
不妨貧過未官時。
沅湘欲趁東歸櫂，竹杖芒屨任所之。

熊卓

觀春水有感

二月煙濤天際來，病懷憂思一登臺。
濕雲屯樹鶯新到，鳴雨灑江花亂開。
坐浪漁舟終遠去，橫空隼鳥亦低迴。
香蘋欲採汀洲遠，目斷蘭橈心更哀。

懷京友

閨苑十年同會好
滄江千里獨棲安
燕臺遠樹春雲暗
楚館繁花晝雨寒
不分山鐘搖夢促
無端海鶴度書難
傷心桂棹風波隔
日晏空歌澧有蘭

春興

塵世光陰徒草草
林居風物亦菲菲
花間雨濕身常慣
竹裏月明人乍稀
遲日暖薰幽澗草
春雲新長北山薇
滄江白鳥知人意
戀戀沙撈故不飛

午榻醒來睡思足
蕭然庭樹雨聲清
安貧原憲元非病

樂志陶潛不愛名煙水潑堤鷗鷺亂花香落澗鷓鴣鳴
逢人若問漁樵業海月山雲各有情

趙鶴

登岱

一上遙岑萬丈蒼天風應為襲衣裳雞鳴往往看初日
人語時時到下方雲暗鐘聲連海樹春浮花氣入山堂
四時未歇登遊興翻說厓禽喚客忙

東皇祠下走靈氛今古祈靈賸有文不斷香燈千里至

有時鐘磬四山聞
雨聲直過僧家竹
鴻影平低客路雲
却愛三人花底飲
不妨對影到斜曛

朱諫

冬日奚蘭室老友見訪喜而有作

江村寒月客來稀
坐對梅花半掩扉
燈火最憐清夜話
溪山偏愛舊人歸
酒樽欲盡還堪瀉
世路無情已息機
相見不須悲白髮
山林鐘鼎總成非

章孝夫雁麓山莊

陰陰竹樹繞山根石徑雲深蕩北村無數落花浮水面
盡隨鷗鳥到柴門鉤簾靜對千峰月種藥新開五畝園
長日南窓事高卧謾將風景說桃源

唐寅

和石田先生落花詩

春盡愁中與病中花枝遭雨又遭風鬢邊舊白添新白
樹底深紅換淺紅漏刻已隨香篆了錢囊甘為酒杯空
向來行樂東城畔青草池塘亂活東

春來赫赫去悠悠刺眼繁華轉眼空杏子單衫初脫暖
梨花深院自多風燒燈坐盡千金夜對酒空思一點紅
倘是東君問魚雁心情說在雨聲中

桃花淨盡杏花空開落年年約略同自是節臨三月暮
何須人恨五更風撲檐直破簾衣碧上砌如欺地錦紅
拾向砑羅方帕裏鴛鴦一對共當中

漫興

此生甘分老吳閭萬卷圖書一草堂秋榜才名標第一

春風絃管醉千場
跣趺說法蒲團軟
鞵韉尋芳杏酪香
只此便為吾事了
孔明何必起南陽

一身憔悴挂衣襟
半壁藤牀倚樹林
去日苦多休檢歷
知音諒少莫修琴
平康驢背馱殘醉
穀雨花開費朗吟
老向酒杯棋局畔
此生甘分不甘心

題畫

湖上仙山隔渺茫
世塵不上渡頭航
白蘋開處藏漁市
紅葉中間放鹿場
落日沈沙罾有影
新霜著樹橘生香

遙聞逋老經行處
芝草蕨蕕滿路傍

劉龍

送謝同年邦用之湖廣僉憲

曲江花底記同遊
十五年來鬢欲秋
楚國旌旄新寵渥
謝家人物舊風流
君山雨霽簪螺髻
漢水春深漲鴨頭
樽酒已空山已夕
微茫煙樹隔仙舟

孫緒

居庸關官舍

一徑中開萬里橫居民無地問農耕
霜催木葉晚山赤雨溜石苔秋水清
沙鳥遠從天外度寒蛩苦愛夜深鳴
峰巒徙倚休回首何處孤雲是故城

御選明詩卷七十七

欽定四庫全書薈要卷一萬八千五百七十八

集部

御選明詩卷七十八

七言律詩十一

王守仁

次壁間杜牧韻

春山路僻問歸樵為指前峰石逕遙僧與白雲還
瞑壑月隨滄海上寒潮世間老去渾無賴遊興年來獨未消
回首孤帆又陳迹疎鐘隔渚夜迢迢

夜宿浮峰次謙之韻

日日春山不厭尋
野情原自懶朝簪
幾家茅屋山村靜
夾岸飛花溪水深
石路草香隨鹿去
洞門蘿月聽猿吟
禪堂坐久發清磬
却笑山僧亦有心

將遊九華移舟宿寺山

維舟谷口傍煙霏
共說前岡石徑微
竹杖穿雲尋寺去
藤筐採藥帶花歸
諸生晚佩聯芳杜
野老春霞綴衲衣
風詠不須沂水上
碧山明月更清輝

化城寺

化城高處萬山深，樓閣憑空上界侵。
天外清秋度明月，人間微雨結輕陰。
鉢龍浮處雲生座，巖虎歸時風滿林。
最愛山僧能好事，夜堂燈火伴孤吟。

因雨和杜韻

晚堂疎雨暗柴門，忽入殘荷瀉石盆。
萬里滄江生白髮，幾人燈火坐黃昏。
客途最覺秋先到，荒徑誰憐菊尚存。
却憶故園耕釣處，短蓑長笛下江村。

移居勝果寺

江上但知山色好峰迴始見寺門開
半空虛閣有雲住六月深松無暑來
病肺正思移枕簟洗心兼得遠塵埃
富春只尺煙濤外時倚層霞望釣臺

宿萍鄉武雲觀

曉行山徑樹高低雨後春泥沒馬蹄
翠色拖雲開疊嶂寒聲隔竹隱晴溪
已聞南去艱舟楫漫憶東歸阻杖藜
夜宿仙家見明月清光還似鑑湖西

夜宿香山林宗師房次韻

幽壑來尋物外情
石門遙指白雲生
林間伐木時聞響
谷口逢僧不記名
天壁倒涵湖月曉
煙梯高接緯階平
松堂靜夜渾無寐
到枕風泉處處聲

羅舊驛

客行日日萬峰頭
山水南來亦勝遊
布谷鳥啼村雨暗
刺桐花暝石溪幽
蠻煙喜過青楊瘴
鄉思愁經芳杜洲
身在夜郎家萬里
五雲天北是神州

沅水驛

辰陽南望接沅州，碧樹林中古驛樓。
遠客日憐風土異，空山惟見瘴雲浮。
耶溪有信從誰問，楚水無情只自流。
却幸此身如野鶴，人間隨地可淹留。

興隆衛書壁

山城高下見樓臺，野戍參差暮角催。
貴竹路從峰頂入，夜郎人自日邊來。
鶯花夾道驚春老，雉蝶連雲向晚開。
尺素屢題還屢擲，衡陽那有雁飛回。

陸廣曉發

初日瞳瞳似曉霞
雨痕新霽渡頭沙
溪深幾曲雲藏峽
樹老千年雪作花
白鳥去邊迴驛路
青崖缺處見人家
徧行奇勝才經此
江上無勞羨九華

龍潭夜坐

何處花香入夜清
石林茅屋隔溪聲
幽人月出每孤往
棲鳥山空時一鳴
草露不辭芒屨濕
松風偏與葛衣輕
臨流欲寫猗蘭意
江北江南無限情

南菴次韻

隔水樵漁亦幾家
緣岡石路入溪斜
松林晚映千峰雨
楓葉秋連萬樹霞
漸覺形骸逃物外
未妨遊樂在天涯
頻來不用勞僧榻
已占汀鷗一席沙

斜日江波動客衣
水南深竹見巖扉
漁人收網舟初集
野老忘機坐未歸
漸覺林間棲鳥亂
愁看天北暮雲飛
年年歲晚長為客
閒殺西湖舊釣磯

夜泊江思湖憶元明

扁舟泊近漁家晚茅屋深環柳港清雷雨驟聞江霧散
星河不動暮川平夢回客枕人千里月上春隄夜四更
欲寄愁心無過雁披衣坐聽野雞鳴

春日遊齊山寺用杜牧之韻

倦鳥投枝已亂飛林間暝色漸霏微春山日暮成孤坐
游子天涯正憶歸古洞濕雲含宿雨碧溪明月弄清暉
桃花不管人間事只笑山人未拂衣

木閣道中雪

瘦馬支離緣絕壁連峰窅窕入層雲山村樹暝驚鴉陣
澗道雪深逢鹿羣凍合衡茅炊火斷望迷孤戍暮笳聞
正思講席諸賢在絳蠟清醅坐夜分

張琦

秋晚登君山

十年兩醉君山酒山下民風似昔年青帕茜裙耰麥女
銀鱸紫蟹入村船霜蕉葉破猶藏寺江浦沙高未作田
病骨登臨尚彊健坐聽湘瑟弄湘煙

游潛

散步

白頭高帽青山客
勝日行吟楚水涯
宿雨野田初試犢
暖風城郭半開花
喜聞社鼓喧春舍
狂脫春衫付酒家
百畝尚餘身後健
不妨隨分課桑麻

周用

沽酒

一春白髮鬪絲長
無奈春歸喚酒嘗
日曬一林梅子熟

風吹滿店柳花香
漢江初潑葡萄綠
銀海頻浮琥珀光
消得百年三萬日
不妨還醉六千場

簪花

老去風流敢自誇
開筵對客許簪花
百年回首仍春色
三月於人且物華
乘興不須憎白髮
聞歌猶復戀烏紗
花前莫笑山翁醉
賸有青錢付酒家

丙午元日早朝

一夜鐘聲報早朝
萬方元會仰天高
星臨燭影開宮扇

雲靄鑪香引御袍太史祈年占雨雪詞臣撰頌入揮毫
作人大雅垂無極願為周文賦譽髦

雪夜禁中

朝衣永夜直金鑾華雪霏霏點玉闌九扈昇平占舊業
五雲窈窕共高寒瞳瞳霽色浮仙仗皎皎清輝並御壇
引領韶華屬桃李春明還向上林看

吳太常諸公九日前一日登清涼寺次韻

清秋何處迴高眼山寺遙臨江水濱滿地黃花聊避俗

誰家白酒未嘗新可憐明日是九日為問閒人能幾人
且與山靈修故事已傳西北靜風塵

魯鐸

孫懋仁沱西別業

屋邊沱水日淙淙風物元應擅楚邦
蘭芷生連垂釣石
鳬鷺棲近讀書窓
城東曉色聞孤角
畦外春流帶九江
為約扁舟他日會
狂歌來和郢人腔

次韻徐原忠

蓬門未款鶴先知已有園深出應遲松逕路晞行藥後
藕汀風動納涼時夜仍秉燭翻疑夢春許看花更作期
休倚清時催病客新文容有北山移

已有公之園名亦以名其詩

許州風節亭次韻劉東之御史美之正郎

煩囂何處可披襟風節亭中散竹陰地僻正無塵俗氣
夜涼先見歲寒心風傳遠邃情何限月轉長梢坐益深
安得題詩更明日滿牆揮翰學來禽

九日園亭用杜牧之韻

揮翰題糕手欲飛
菊邊香霧正霏微
誰從今日仍辭醉
不道常年苦憶歸
短屐未妨逢細雨
殘尊還可待斜暉
官貧猶勝陶彭澤
剛得東籬有白衣

九日東莊用前韻

丹楓零落白雲飛
別墅風長酒力微
坐待池菱炊飯出
行逢野菊戴花歸
沙鷗貪看臨秋水
林鵲從教亂夕暉
朝市久違疎散性
欲從漁父問荷衣

野望

東風吹雨宿塵輕
膻膻村原正曉晴
遠樹有花皆辨色
好峰無數不知名
雲開雁鶩橫長塞
草綠牛羊上廢城
欲向燕山還極目
夕陽時候更分明

園中

花蹊苔徑屐聲微
幽事相關俗累稀
薄力尚堪澆藥圃
病身剛好著荷衣
綠階細草抽書帶
近岸閒鷗伏釣磯
簷樹無塵窓榻靜
捲簾清晝看雲飛

遊牛首并獻花巖限韻一首

清塵曉雨乍霏微落絮遊絲總不飛絕巘路通行委曲
大江帆遠見依稀雲中絳閣初疑畫洞口青苔欲上衣
擬借巖房留信宿隔林啼鳥謾催歸

郊行次序菴韻

芳原並轡馬行遲何處春聲按竹枝臨水小桃原自媚
倚風新柳不妨歌禁煙安問村中酒遇事還生眼底詩
明日紅塵向城市野橋山店盡堪思

何塘

和郭杏東九日韻

重陽細讀黃花句懷抱因君一暫開
杜甫當年長作客陶潛此日定銜杯
殊方久廢登高興青眼誰憐濟世才
北望親闈腸欲斷塞鴻頻到少書來

秦淮一覽閣

畫閣臨流想像題倚闌翹首覺天低
名花無數侵簾入好鳥多情傍戶啼
近水迢迢經雨綠遙山隱隱拂雲齊
從來吏隱難兼得城市還驚似澗溪

同年殷僉憲遷居伍松月有贈因和二首

錄一首

華居新買傍城陰
流水橋南帶茂林
車馬稀疎知地僻
煙花撩亂覺春深
醉扶竹杖看魚躍
困倚藤牀聽鳥吟
最愛三山當戶牖
晚峰相對翠千尋

李時

夏日偶書

卜居地愛城西僻
野水春來自作渠
戶繞山光堪對酒
園收柿葉好供書
青林雨過煙蘿濕
碧沼雲生石竇虛

長者不聞門外駕小庭新草手閒除

陸深

渡江

桂楫蘭橈江水生前麾小隊渡江行人生幾度東風面
花信一番春雨晴初日出林光欲動豐泥逐馬滯猶輕
少年游釣難忘處莫怪丘園太有情

晚飲張虞卿舍西江汎月還舟

南鄰歸去夜如何鼓吹無風櫂有歌兩岸碧波潮力定

一身清露月明多
天空星斗中流動
家近舟航一水過
千古勝遊誰得似
前須太白後東坡

虹縣曉發

是日清明

拂曙星河擁使旌
隋堤花柳報清明
人家煙火寒猶禁
客子衣裳暖漸輕
夾岸露華添細水
浮空春色抱孤城
東風滿地皆芳草
一為多情盡日行

發新津風日甚佳有述

江山偏覺此行多
愛聽巴音入櫂歌
錦樹微茫連岸脚

畫船掀舞出盤渦山雲欲起常迎日水鳥驚飛不離波
為客十年勞勝賞朝天萬里又經過

兌陽書樓

面山花竹背山樓合著元龍最上頭雲氣陰晴常不定
江聲回合正東流九關清夢通霄漢八月仙槎貫斗牛
欲賦兌陽形勝裏山川原是漢嘉州

山堂晚晴觀楫兒作字

論文說劍更爭棋五十年來兩鬢絲無事可為甘袖手

有山如畫且題詩望中禾黍秋風粒夢後芭蕉夜雨枝
小几映窓承落日雙鉤古帖坐教兒

和汪有之園亭之作

一區猶愧子雲才薄有茅堂傍水開遠訊經秋憑雁到
問奇長日有人來好花隔岸飛紅雨新笋穿籬迸綠苔
同上玉堂俱出牧却從郊野望蓬萊

登華山至青峰

羣玉峰頭鐵鎖寒周秦遺事共漫漫山從拔地五千仞

路向穿雲十八盤上界樓臺懸日月下方風雨長波瀾
乾坤不博蒙頭睡一借神仙蛻骨看

送客過昭覺寺

霜日江雲杳靄間聊憑酒力駐顰顏一冬天氣常嫌熱
幾度郊行暫借閒世上無情惟白髮人間有福是青山
山僧更住青山裏翻罷楞嚴獨掩關

秋懷四首

碧草幽花滿故園南山卧對久忘言年來行李書千卷

老去生涯水一村已辨弓蛇還石虎毋煩怨鶴與驚猿
秋光更比春光好蜂蝶紛紛不到門

斗帳香消病骨輕少年憶得賦秋聲青藜火暖西風勁
白玉堂深晝漏清上帝雲霄陪絳節仙人星漢濕金莖
高山流水空瞻溯祗恐涓埃報未成

六代三吳業已荒英雄遺恨水茫茫試量秋與愁多少
始信年隨鬢短長江上野鳬爭得食山中叢桂早含霜
長門本為黃金賦賦就長門却自傷

一翻風雨報園林
岸柳汀蒲半不禁
兔魄漸隨華月滿
鳳棲應戀碧梧陰
清商律應笙歌細
白苧功多篋笥深
起向推移占物候
為誰先有歲寒心

張邦奇

上巳日周玉巖司寇拉遊蔣山枉詩見惠次韻
郊行長為簿書遲
勝友壺觴已翠微
夾路桃花迷入洞
傍溪鷗鳥憶臨沂
松陰坐久還移席
草色春深欲染衣
紅日下春潮水碧
石橋齊踏彩霞歸

黃鞏

春雨亭

濱江亭子鎖春陰
一水盈盈雨正深
小徑飛花紅漸濕
柴門垂柳綠初沉
坐深野老還爭席
聽近樵歌不出林
莫是向來遊眺處
東風吹動故園心

孟洋

荅高大和侍御寄書

舟過衡陽雁已疎
經年那得故人書
一封忽漫來何處

千里殷勤問謫居
海上青驄遙羨汝
湘南芳草正愁予
清秋直北朝星斗
回首雲山萬疊餘

送柴光祿入賀

櫂歌聲裏望行舟
渺渺江亭草樹浮
卿月近移龍虎闕
使星遙映鳳凰樓
鶯花上苑逢春色
風雨長安憶舊游
聞說聖朝求直諫
肯令汲黯出皇州

殷雲霄

九日得繼之書

病起重陽花正開小齋獨酌當登臺吳中此日來雙鯉
江上何時共一杯萬里長風吹落木孤雲斜日照秋苔
百年懷抱憑誰盡滄海新收鼓角哀

索承學

西樓晚眺

在家無事不勞生暫倚危樓看夕晴雲裏樹含山外寺
渡頭人語水邊城荒村茅屋秋砧早野店漁家晚炊明
吟罷新詩還自和西風吹落塞鴻聲

嚴嵩

東堂新成二首

種樹成陰闢沼魚數椽聊此卜幽居
諸峰稍識嵐霏外
三徑新鋤灌莽餘
窮巷頗迴高士轍
藜牀時讀古人書
欲因蘿薜辭簪弁
慚愧承恩在玉除

無端世路遶羊腸
偶以疎慵得自藏
種竹旋添馴鶴逕
買山聊起讀書堂
開牕古木蕭蕭籟
隱几寒花寂寂香
莫笑野人生計少
濯纓隨處有滄浪

恭扈聖駕幸承天發京作

禁城鐘動啓金扉
鳳輦時巡出帝畿
黃紙特頒都護勅
緋羅齊賜侍臣衣
祥雲捧日浮仙仗
芳樹和煙隱翠微
遙想湘江歡父老
漢皇今覩沛中歸

蕭子卜居梅林賦贈

溪上梅花玉作林
溪邊茅屋苦寒侵
孤山倚棹逢詩興
潁水移家見客心
日暖漁歌來浦溆
雪晴花色上衣襟
風塵擁傳勞為郡
時向滄洲寄一吟

蚤入承天門見鴉次韻

喧鴉爭入帝城飛，映霧翻林颺曙暉。
宮女乍聞驚夢起，省郎紛逐散朝歸。
聲傳萬井含鐘杳，影落千門帶月稀。
還向昭陽自來去，綠窓凝望重依依。

無逸殿直舍和少師夏公韻

燈燭通宵晃禁廬，霧窓雲閣近宸居。
瑞煙入座香浮苑，寒影窺簾月到除。
緱嶺乍聞丹鳳吹，穀城先訪赤松書。
歸來未向人間說，天語親承燕對餘。

暮次靈川懷寄師舜天益二鄉丈

天南歲晚更依依朔雪寒雲遶樹飛
投館驚看風土異臨觴悵憶故人違
情同灕水仍西注身似春鴻向北歸
想見郵亭頻駐馬獨吟千嶂已斜暉

同徐郡侯登浚渠亭

渠在郡城西唐刺史李將順所鑿民賴其利目為李

渠久湮徐浚之築亭其上傍有龍祠

徐侯亭子李侯渠水石新呈宿莽餘
秋淨野田聞鸛語雲深仙洞隱龍居
驅馳暫駐三湘節登賦初陪五馬車

此日佳遊習池共他年故事峴山如

扈從經九龍池

九龍池上駐龍旂
桂殿蘭宮鎖翠微
日出彩霞籠瑞氣
霜迎黃鉞肅天威
雲中蘿逕千盤合
谷口風泉百道飛
塵跡此中誰可到
況陪仙蹕奉恩輝

楊侍御使蜀

江草萋萋江水長
使軺聞欲渡瀟湘
開帆夜坐星河色
戴筆春迎杜若香
綵繡過家非舊服
皂囊還闕有新章

西州五月無炎暑應避青驄滿路霜

寄壽少傅邃翁先生

累朝望重經綸地五畝怡情水竹間天下正須安石起
雒中猶放涑翁閒詩尋丁卯橋邊宅舟放金焦寺裏山
裘馬燃如尊俎勝隱園高會杳難攀

宋景

左掖聞鶯東湛甘泉年丈

參差宮樹織流黃左个晨開清聽長
睨睨友聲來紫殿

綿蠻春雨叶青陽
解調玉琯依仙仗
巧轉金鋪引太常
更逐鷓鴣行瓊珮
入麇諧天曲和明良

寄孤月上人

最憶高人住翠微
萬巖千岫雪消時
林階月在行香早
石屋雲多出定遲
棲樹有僧留聽法
看泉無客和題詩
松關石鎖容相叩
定覓深山食紫芝

李夢陽

赴郊觀宿

城邊水色淨春茅苑外鶯啼拂露梢萬戶煙花臨複道
九天宮殿鎖南郊霓旌夜發清溪繞彩仗晨飛碧樹交
身到釣天渾不解坐聞仙樂下雲旂

曉詣西壇候駕

萬宇沉沉曉漏催九關魚鑰遲明開闐闐鼓角空中起
片片鑪煙霧裏來氣結龍文隨御幄風傳虎旅發仙臺
叨從百辟觀周典不向秋風數漢才

扈從耕籍

天行近野團龍蓋萬姓環門識袞袍
竟畝難寬卿相力
籍耕無乃聖躬勞
侵壇碧草茸茸起
去殿紅雲冉冉高
已忝賜筵思報述
即陳潘賦愧詞曹

桂殿

桂殿芝房曙色通
垂垂苑柳綠煙中
桑乾斜映千門月
碣石長吹萬里風
已有金吾嚴御陌
遙傳玉輅下齋宮
侍臣鵠立松陰裏
時倚紅雲望碧空

秋懷

宣宗玉殿空山裏野寺霜黃鎖碧梧不見虎賁移大內
尚聞龍舸戲西湖芙蓉斷絕秋江冷環珮淒涼夜月孤
辛苦調羹三相國十年垂拱一愁無

河發登望

七月七日河水發康王城邊秋可憐買魚沽酒此村口
打鼓鳴鑼何處船白晝蛟龍時一鬪中流日月晚雙懸
紛紛估客休回首漁子清歌會渺然

無題戲效李義山體

曾倚清酣奏綵毫象牀冰簟玉樓高徐娘老去風情在
班女愁來賦興豪秦柳日斜傷渭曲楚蘭春暮怨湘皋
仙根寂寞崑崙遠浪說人間有碧桃

九日詣東莊遇水則舟之同黃李二生

出門萬木吟風葉挈友重陽上野舟數月雨陰今日
一身天地比清秋逐時莊菊花初放應節村杯酒暫酬
薄暮更催雙棹返汴州誰信有滄洲

正月四日始出赴黃子之晏南鄰何儀賓以美

醪助杯即席口占

杜門常日追游少
新歲初筵獨詣君
幸有鄰家能過酒
況多賓客善論文
樓臺霽日斜含雪
竹樹和煙暮閣雲
入夜不歸雙燭秉
近尊猶喜落梅芬

晚秋東莊晏集

郊園秋晚只風林
冠蓋羣遊是盍簪
楓葉近尊朝映日
菊叢淹坐暮橫陰
煙霞故引旌旗色
鳥雀應疑簫笛吟
月底金鞍散歸馬
野雲回首少微深

雨中海棠

憐花常欲報花安
醉眼冥冥雨自看
朶朶胭脂深更濕
杯杯竹葉滿須乾
等閒細片休輕落
率爾春風且恁寒
朝為行雲暮仍雨
淩波獨立汝應難

過李氏荷亭會何子

三伏尋花到習池
幽懷真與故人期
出波菡萏晴相並
度檻流螢晚故遲
他日宴游能此地
向來開落果由誰
亦知塵世難逢醉
且把芳筒當酒卮

九日寄何舍人景明

九日無朋花自開，登樓獨酌當登臺。
孤城落木天邊下，萬里浮雲江上來。
但遣清尊常不負，從教白髮暗相催。
梁南楚北無消息，塞雁風高首重回。

冬霽宴丘翁林亭

竹亭高宴雪霜殘，柏塢移尊月色寬。
馴鶴自知迎客舞，絕琴今擬向君彈。
醉來箕踞仍呼酒，老去留賓不著冠。
解道冥鴻能萬里，肯輸烏鵲一枝安。

寄華韶州

十年不寄一封書
索處常思萬里餘
謫宦賈生元獨遠
抗言劉向果誰如
新符海外勞分虎
舊德朝中想珮魚
退食昔移青瑣步
論文偏過省郎廬

贈鄭庚

文物江東數歙都
里傳貞白似君無
門前不種鉤衣草
堂上常巢返哺烏
為客老年今道路
告歸春日復江湖
沙溪酒熟兒孫勸
拄杖徐行步綠蒲

喬太卿宇宅夜別

竹梧池館夜偏寒，促席行杯漏未闌。
燕地雪霜連海嶠，漢家鐘鼓動長安。
吟猿見月移孤樹，宿雁驚人起別灘。
二十逢君同躍馬，十年回首笑彈冠。

和毛監察秋登明遠樓之作

院鎖簾垂白日幽，為誰乘興獨登樓。
地平高嶽牕中出，天倒黃河檻外流。
坐對壚煙雲並起，醉搖霜筆樹還秋。
可憐大廈須梁棟，未展那知匠氏憂。

詠懷

青天萬仞削芙蓉憶踏匡廬第一峰
哀壑暮雲埋虎豹大江春浪變魚龍
天池玉筆親留碣石室山僧獨扣鐘
搔首昔曾霄漢上舊題應被紫苔封

上方寺會監司諸公

梁園四月斗炎蒸衆飲松堂爽色凝
天上樂聲僧梵接掌中杯影塔雲層
高情不使忙官奪野興常於勝地增
東海漸生歸路月上方無藉散花燈

丙子冬至

奉天門下玉闌橋此日催班早侍朝占史奏雲懽萬國
大官傳宴散層霄苑梅迎律春先動宮柳臨風色欲搖
一出忽今驚十載百年勲業有漁樵

潼關

咸東天險設重關閃日旌旗虎豹閒隘地黃河吞渭水
炎天白雪壓秦山舊京想像千官入餘恨逡巡六國還
滿眼非無棄繻者寄言軍吏莫嗔顏

別龜峰

江上龜峰天下稀
挈朋貪賞夜忘歸
冠裳他日思丹壑
車馬平明發翠微
歸路竹蘿偏拂幘
出山雲氣故隨衣
杳然一笑憐蹤跡
自不投簪願孰違

徐將軍園亭

將軍別墅今停馬
五月池塘蓮半紅
舉眼江山惟赤日
快人樓閣自涼風
穿林竹翠沾衣滿
布席葵香撲酒空
平世主人虛抱武
醉來誇挽六鈞弓

何景明

吹笛

橫笛高城弄晚颼，碧空如水雁來時。
關山月落腸應斷，樓閣秋生響易悲。
楊柳天邊渾折盡，梅花江畔故開遲。
武陵回首南征路，一曲那堪馬上吹。

邀沈清溪趙雪舟馬百愚登樓次百愚韻

村居邀客慚供給，且為青山一倚樓。
十里沙平遙對酒，百年地迴更逢秋。
城中車馬何人到，曲水風煙盡日留。

無奈天涯歸思切孤帆八月下長洲

雨晴

竹裏柴門冬日輝水邊煙霧晚霏微
背霜石壁丹楓盛待雪沙田青麥稀
自愛羣鳬將子去却疑雙鶴見人飛
西郊風物晴還好誰共看雲興不違

燕子次杜工部韻

燕子飛時江柳春眼看節序幾回新
亦知社日歸鄉國忍對秋風別主人
舒卷不殊羣物理往來寧有百年身

空簾寂寞山堂夕惆悵花枝淚滿巾

秋興八首

高樓一上思堪哀水盡山空雁獨迴
萬里關河迷北望無邊風雨入秋來
故人尺素年年隔薄暮清砧處處催
徒有寒樽對花發病懷愁絕共誰開

憶在京華近侍年五更清珮入朝天
鳳凰池接夔龍會閭闔樓開日月懸
南國自通滄海貢塞塵不動玉門煙
只今病卧遙迴首夜夜清光北斗邊

前歲今皇新御極，鳳銜恩詔出明廷。
孤槎奉使日南國，萬里題詩天畔亭。
地入金沙江浩浩，風連桐柱海冥冥。
昆明亦在滇城裏，池上虛疑織女星。

蜀中形勝千年在，峽樹江花照使袍。
神女廟深虛暮雨，漢王臺迴落秋濤。
漁人東望滄浪濶，客子西來艷潏高。
不見啼猿繫舟處，風波遙夕夢魂勞。

漢水東馳入楚來，長沙秋望洞庭開。
江清樓閣中流見，日落帆檣萬里迴。
去國尚思王粲賦，逢時空惜賈生才。

湘南兩度曾遊地惆悵煙花暮轉哀

秋來門巷少經過日日幽懷對薜蘿一笑流光拋客路
十年歸夢落漁蓑沙邊返照寒初斂水上浮雲晚故多
苦憶梁園辭賦客黃河愁望渺煙波

裊裊西風歇衆芳天高谿谷迴煙霜孤城落雁衝寒水
萬樹鳴蟬帶夕陽塵滿一區揚子宅蓬生三徑蔣公堂
相過未有求羊輩醉裏狂歌亦自長

千年申國有提封楚塞重關渺未窮舊事祇看東逝水

高臺不斷北來鴻
連山落木蕭條後
隔坐殘花悵望中
正是平居多感慨
底須詞賦荅秋風

西海子

寺下煙波春不開
苑中風浪隱樓臺
源泉細繞西山出
雲氣深從北極來
萬里乘槎觀日月
十年登閣望蓬萊
黃塵碧水須臾事
莫使魚龍夜夜哀

送雷長史

彤管先朝隨帝子
白頭今日奉王孫
漢庭亦羨相如美

楚客重看賈傅尊花下圖書開玉殿日高琴瑟在朱門
十年亭閣淮西宴腸斷梁王雪夜樽

寄黔國公

萬里山川開百粵十年戎馬暗三巴伏波銅柱衝炎塞
橫海樓船出瘴沙鴻雁不傳天北字瓊瑤空憶日南華
飄飄奉使金門客目斷銀河八月槎

月夜王宗哲宅贈田子之江西

高城吹角此宵寒遠客今歌行路難歲暮風煙殊去住

天涯燈火共悲懽
西江日落移舟入南斗
星懸倚劒看
廬岳玉山千萬里
不知何地望長安

送良伯

去年秋杪遙相送
今歲冬殘復此行
寸草獨牽千里思
一枝同有上林情
江楓野泊停霜夜
海月官船動水程
何處逢人問消息
梅花南國望春生

簡汝立

汝病幾時辭省署
我懷終日念鄉關
風塵對酒空行路

雨雪逢春尚在山少室三花無客采小山叢桂有人攀
淮南洛北如相訪一鶴雲中往復還

送賈學士之南都

金陵樓閣九天開銀漢仙槎萬里來宮月夜懸鳩鵲觀
江樓春轉鳳凰臺直從北極看南極却望中台接上台
鳴世早傳吳下作逢時真羨洛陽才

送施聘之侍御

海甸春風攬轡情燕關驄馬去還鳴繡衣霄漢花間出

錦纜江湖樹裏行
近日西臺多諫草
少年南國有詩名
別絃更憶風流調
愁聽東城二月鶯

送劉令還襄陵

聞道襄陵有勝遊
西行風景似南州
竹蟠縣裏青青出
水到城中曲曲流
仙客候鳬知下鳥
吏人迎鷁見回舟
亦知枳棘棲鸞地
露冕重來只暫留

送闕郡博

郡學宮牆入翠微
廣文今去有光輝
久知白首甘貧病

且坐青氊息是非石磬古堂時自發風雩春服暮同歸
城中來往多冠蓋名教無言樂地稀

天壇雷道士院

帝宮高鎖漢郊畿羽士琴書靜可依蘿洞畫樓雲霧入
石壇秋禮珮環歸叢叢晚竹臨風整嘒嘒玄蟬曳日微
渡海却思千載事買山今恨十年違

題嚴內翰賜扇

端陽綵扇百官傳每歲宮臣賜獨偏君去翰林供奉久

始來經幄拜恩年
須從殿閣風先動
捧向雲霄月並懸
象轂銀鐶倍光寵
好揚薰吹助虞絃

輞川

飛泉萬壑通藍水
仄徑千峰入輞川
野老豈知旌節到
世人空作畫圖傳
鼇鼉岸圻深無地
雞犬林開忽有天
即此買山堪避俗
桃源何必訪神仙

華州作

秋城雨色淨微塵
過陝山河望轉新
天上岳蓮開二華

雲中關樹引三秦
追游少小還今日
浪跡乾坤任此身
乘興欲扳仙掌去
未知登覽共何人

徐禎卿

晚過獻吉齋

端居聞子肅清修
吏散鴉啼省署幽
芳草不知人獨往
空山何意鳥相求
開軒歷歷明星夕
隱几蕭蕭古木秋
自昔風塵堪吏隱
浮生莫遣有離憂

送耿晦之守湖州

遠下吳江向雪川
高秋風物倍澄鮮
鵲鵲菰葉翠相亂
錦石遊鱗清可憐
郵渚撾頻津吏鼓
漁歌唱近使君船
吳興峴山足勝事
漢水襄陽空昔賢

送盛斯徵赴長沙

昔愁越雋千峰仄
轉入巴渝萬里賒
豈料聖恩憐賈誼
猶煩佐郡出長沙
蠻中瘴遠三湘水
江畔春逢十月花
遙聽岳陽樓上笛
可能回首憶京華

簡伯虎

麻紙功名笑浪傳如今袖手了塵緣交朋零落看書札
花月蕭條問酒錢數里青山騎犢醉一牀黃葉擁秋眠
心期兀兀成幽病誰與高人辨草廛

追錄舊作

衡陽聲斷雁回縱南國飄零煙莽中紙幔燃燈寒夜雨
水樓吹笛菊花風誰敲急杵催山月獨語愁心對草蟲
病骨秋容兩無賴一樽揮袂泣飛蓬

懷邢處士參

梨花分月一枝明吟著君詩繞樹行聞說里門多下馬
若為人世可逃名寂寥風雨眠僧舍談笑杯盤餽豆羹
數畝山田是吾志與君終老飯香秔

獨立

獨立溪煙絮帽斜行人停路問三叉兒童樹底燒殘葉
估客河中問酒家日暮啄饑喧野雀天寒爭宿集荒鴉
官橋寂寞梅花發愁見南枝又歲華

送廬陵楊二尹

何卑執戟謝京華却愛河陽縣裏花不為遠師招白社
擬從勾令覓丹砂青天挂席浮明月螺水迴舟勝若邪
莫學南昌隱君子離羣獨拂五雲車

登縹緲峯

靈峯峻偉插吳天鹿道斜通密草間波暝遙疑下方雨
煙明微見隔州山藥苗細染雲絲碧石翳重生雉尾斑
塵骨天仙留不得剛風吹冷布袍還

下縹緲峰小憩西湖寺

歷盡欽崎馬倦行長松迎路寺門平生蔬薦雨僧齋薄
寒榻眠雲客思清龍藏護深高閣淨佛燈光徧小池明

殿前有
小池

西來為訪靈仙跡併與禪家結晚盟

奉和徵明游洞庭東山詩七首

錄四首

峯掩晴窓水映簾便留三宿不虛淹閒雲愛客常陪榻
微月窺人直下簷昏籟靜來聞擾擾燈花時自落纖纖
知君詩學多新益親到眉山謁子瞻

宿靜觀徵明時謁
王學士因宿其第

家城歲晚欲迴舟山寺携衾作夜遊愛月不妨寒步影

岸冠微覺露濡頭蒲團對語僧圍燭菊宴分題客詠秋

怪是思清還廢寢鐘聲為破小堂幽

宿雲源寺

塢僻雲深石徑紆漸從平履涉崎嶇煙沈遠景山藏屋
林逗微明日墮湖佳境到時應就宿肩輿停處合臨圖

莫釐絕頂君還上得似鄰峰縹緲無

登洞庭

香燈閒照古堂虛日午桐陰上井遲嘗橘客求藏甕法
煮茶僧乞啜泉詩聽經猶剩當年鹿好事誰攀宿草碑

陳跡半銷何處問令人空憶翠峯師

游翠峯寺寺係雪竇禪師道場

和石田先生落花詩

不須惆悵綠枝稠，畢竟繁華有斷頭。
夜雨一庭爭怨惜，夕陽半樹小淹留。
佳人踏處弓鞋薄，燕子銜來別院幽。
滿目春光今亦老，可能更管鏡中愁。


門掩殘紅樹樹稀，客車休訪雨中泥。
蜂攀故蕊將鬚護，鳥過空枝破血啼。
半月簾櫳風不定，一川煙景日沉西。
先生卧病渾難管，拾得餘英醉裏題。

歌酒闌干事已非，玉人惆悵捲羅幃。
可堪荏苒爭先謝，

更不躊躇各自飛盡掃庭枝風歛怨偶黏塵網雨衝圍
今朝蝶似長安客差況殘春寂寞歸

飄蕩東西不自持多情牽惹有飛絲思移漫憶曾攀手
難拋未冷枝每戒兒童搖樹戲空煩道路隔牆窺
經春為爾添新債開費清樽落費詩

御選明詩卷七十八



總校官庶吉士臣侍朝

校對官編修臣莫瞻菴

謄錄監生臣和其聲